

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za ekonomsku i razvojnu politiku,
finansije i budžet**

Broj: 02/11-02-1643/17
Sarajevo, 21.09.2017. godine

**DOMU NARODA
PARLAMENTA FEDERACIJE BIH**

Na 25. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH, održanoj 21. septembra 2017. godine razmatrane su sljedeće tačke dnevnog reda:

1. Prijedlog zakona o izmjenama i dopunama Zakona o unutrašnjoj trgovini,
2. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Vodovod Visoko,
3. Prijedlog odluke o prihvatanju zaduženja po Sporazumu o zajmu između Bosne i Hercegovine i Svjetske banke – Međunarodne banke za obnovu i razvoj (IBRD) za Projekt jačanja bankarskog sektora,
4. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju TE „Banovići“, blok 1-350 MW investitora RMU „Banovići“ d.d. Banovići,
Prijedlog zaključka o davanju prethodne saglasnosti u postupku izdavanja Energetske dozvole investitoru RMU „Banovići“ d.d. Banovići.

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09) Odbor za ekonomsku i razvojnu politiku, finansije i budžet podnosi Domu naroda slijedeći:

I Z V J E Š T A J

1. Prijedlog zakona o izmjenama i dopunama Zakona o unutrašnjoj trgovini

Članovi Odbora konstatovali su izvjesna poboljšanja pojedinih segmenata i rješenja u odnosu na postojeći tekst zakona. Imajući u vidu da se, pored navedenog, usvajanjem predloženog teksta zakona, stvaraju uslovi za ispunjavanje međunarodnih obaveza BiH iz Sporazuma o stabilizaciji i pridruživanju i ugovora o slobodnoj trgovini, članovi Odbora predlažu Domu naroda da Prijedlog zakona o izmjenama i dopunama Zakona o unutrašnjoj trgovini razmotri i usvoji u tekstu kako ga je predložila Vlada Federacije Bosne i Hercegovine.

2. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Vodovod Visoko

Članovi Odbora obavili su raspravu o navedenom Prijedlogu odluke i predlažu Domu naroda da istu razmotri i donese Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Vodovod Visoko.

3. Prijedlog odluke o prihvatanju zaduženja po Sporazumu o zajmu između Bosne i Hercegovine i Svjetske banke – Međunarodne banke za obnovu i razvoj (IBRD) za Projekt jačanja bankarskog sektora

Članovi Odbora obavili su raspravu o navedenom Prijedlogu odluke i predlažu Domu naroda da istu razmotri i donese Odluku o prihvatanju zaduženja po Sporazumu o zajmu između Bosne i Hercegovine i Svjetske banke – Međunarodne banke za obnovu i razvoj (IBRD) za Projekt jačanja bankarskog sektora.

**4. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju TE „Banovići“, blok 1-350 MW investitora RMU „Banovići“ d.d. Banovići,
Prijedlog zaključka o davanju prethodne saglasnosti u postupku izdavanja Energetske dozvole investitoru RMU „Banovići“ d.d. Banovići.**

Predstavnik predlagača upoznao je članove Odbora sa sadržajem navedene Informacije. Odbor predlaže Domu naroda da razmotri i primi k znanju Informaciju a predložene zaključke usvoji, uz prijedlog Odbora da se, prilikom razmatranja i usvajanja Prijedloga zaključaka Predstavničkog doma **doda i usvoji i novi Stav 4. koji glasi: „Usvojeni zaključci stupaju na snagu narednog dana od dana objavljivanja u „Službenim novinama Federacije BiH“.**

PREDSJEDNIK
Odbora za ekonomsku i razvojnu
politiku, finansije i budžet
Muhamed Kozadra, s.r.